

孫可之文集

宋蜀刻本唐人集



YZLI0890174409

本社
編

宋蜀刻本唐人集



YZLI0890174409

第二十三册

〔唐〕孫樵撰

吳可止文
集

顧廷龍題



據北京圖書館藏

宋蜀刻本影印版

框尺寸悉準原書

明


孫可之文集序

朝散大夫尚書職方郎中

樵家本關東代襲簪纓藏書五千卷常自探討幼而工

文得之真訣提筆入貢士列于時以文學見稱大中九年叨登上第從軍邠國忝歷華資父居蘭省廣明元年狂寇犯闕駕避岐隴詔赴行在遷職方郎中朝廷以省方蜀國文物攸興品藻朝倫旌其才行詔曰行在三絕右散騎常侍李潼有曾閔之行職方郎中孫樵有楊馬之文前進士司空圖有巢由之風列在青史以彰有唐中興之德樵遂閱所著文及碑碣書檄傳記銘誌得二百餘篇聚其可觀者三十五篇編成十卷藏諸篋笥以貽子孫是歲中和四年也

三





孫可之文集目錄

孫 樵 字可之



第一卷

賦

大明宮賦

露臺遺基賦

出蜀賦

第二卷

書

書何易于

書田將軍邊事

書褒城驛屋壁

系目

7

第三卷

書

與李諫議書

與高錫望書

寓汴州觀察判官書

與賈希逸書

與王霖書

與友生論文書

第四卷

雜著

梓潼移江記

興元新路記

蕭相國寫真讚

第五卷

雜錄

孫氏書齋錄

武皇遺劍錄

龍多山錄

第六卷

雜著

迎春奏

復佛寺奏

第七卷

雜著

系目

二

序西南夷

序陳進士舉

寓居對

乞巧對

第八卷

雜著

文貞公笏銘

潼關甲銘

康鐔郎中墓銘

刻武侯碑陰

舜城碑

第九卷

雜著

逐疔鬼文

祭高諫議文

祭梓潼神君文

第十卷

雜著

讀開元雜報

罵僮志

復召堰籍

孫可之文集目錄



孫可之文集卷第一



賦

大明宮賦

露臺遺基賦



出蜀賦

大明宮賦

孫樵齒貢士名旅見大明宮前庭仰貽俛駭陰意靈恠
 暮歸魄動中宵而夢夢彼大明宮神前有云且曰太宗
 皇帝繚瀛啓居廓穹起廬園然而劃隆然而赫孰窬孰
 隙永求帝宅帝詔吾司其宮太宗荆立大明宮後高宗增修遂移仗焉下帝謂上
 帝與日月終翼聖護艱十有六君蕩妖斬氣孰知吾勤
 吾當廬陵錫武天后即真天下号周廢中宗為廬陵王賜姓武氏廟祐徹主禮司

博士周宗奏增武廟

為七削唐廟為五 吾則協二毗輔謂梁公仁保左右

提護義甲憤徒起帝仆周

五王與輦帝出東宮斬賊迎

卧明日革

吾則械二黠雛謂昌宗也俾即其誅胡猗飽脬

謂祿

山也陪肌斷骨驚血賤闕仰吠白日二聖各轍大麓北

挈

肅宗遂即位於靈武

吾則激聶孽悖節謂慶俾濟逆殺翼兩傑

憤烈

謂份陽王

俾克斲滅薊梟妖狂謂朱安集五堂縱

啄怒吞大駕警奔吾則勵陰刀剪其翼俾不得逃明殛

三革蝕黑孰匪吾力吾見若正聲在懸爭舌在軒輟黃

延諫剗襟沃善賞必正名怒必正刑當獄撒腥遇太宗每

謂之

當稼吞螟吾則入瀆革濁貞觀中入囿肉角貞觀

見

旬澤暮溥

太平十日一雨必以夜

斗穀視土

開元中租

吾見若

姦聲在堂諛舌在旁室聰怫諷正斥邪寵嘉賞失節怒

罰失殺奪農而徭厚征而雕吾則反耀而彗中彗崇總章

也反澤而沴蕩坤而圻地有并而復裂乾而石而有裂

然吾留帝宮中二百年昔亦日月今亦日月往孰為設

今孰為鈇籍民其雕有野而蒿開元中籍戶九萬籍甲其

虛有壘而墟開元中籍府兵三時務農一時講武實甲

虛者也西垣何縮疋馬不収開元中北庭拒鄰門萬三千

馬疋至七十萬穀四十八監北垣何感孤壘不粒言采

及闕推迎斬其舌且曰余聞宰獲其哲房杜得赫日午

烈老魅跡結尔曾荷伐宰獲其隱扶南得是昏蝕魅恠

橫惑尔曾何力今者曰白風清中簡盈庭闔南俟霽闔

北俟霽矧帝城闕何賴窮邊帑廩如封何賴疲農禁甲

飽寧尚何用天下兵神嘗何知彼孰愧往時神不能對

丁卯

二

退而笑曰孫樵誰欺乎欺古乎欺今乎吁

露臺遺基賦

井序

武皇郊天明年作望仙臺於城之南農事方殷而興土功且有廩於縣官也樵東過驪山得露臺遺基遂作賦以諷之驪橫秦原東走盤連有土如積其高逾尺隱于修崗屹若環堂徘徊山下問于牧者對曰惟昔漢文爲天下君守以恭默民無怨慝天下大同帝駕而東經營相視茲山之址乃因其崇以興土功茲臺始基軫于帝思既命其吏枚之經費乃下詔曰朕以涼德君子萬國唯日兢兢如蹈春水高祖惠宗肇啓我邦作此宮室庶幾無逸逮夫朕躬孰敢加隆矧麋府財以經此臺周爲靈臺成乎子來文王以昇以考休徵茲臺以平周德惟

馨章華雖高楚民亦勞靈王宣驕諸侯不朝民既携二
王遂以死豈朕不懲斯役實與鳩材嘯工以害三農斯
豈文王靈臺之旨哉宜詔有司亟令罷之此基基者乎
卒歌而去之且曰彼通天兮鞅埃埒之巍此靈臺兮蔽
秋草之離離已而已而世無比兮吾孰知其是非

出蜀賦

辛酉之直年兮引敗車而還養濟潼梓之重江出大劒
之複關駭天險之重阻兮峙連崗而外坤譎石詭崖汨
其城屬兮屹紆鬱於雲昏歎岵岵而查牙兮上攢羅而
戛天中呀圻以隙斜兮途詰屈而隘穿以去以來奔蹄
疾足兮鼠出入乎穴間蹇余馬之不息屈峽山之偏側
劃崇巒而急來水涵空而混碧途迫高而緣深不尺直